



ATASSUT

15.10.2015

Steen Lyngø

UKA 2015/20

Geodatastyrelse pillugu Inatsisip atuutilersinneqarnissanik Kunngip peqqussutaa, Inatsit nr. 1392 21/12/2012-imeersoq (Danmarkip maanna siunissamilu Kalaallit Nunaata nunataa pillugu tunngaviusunik paasissutissaataasa ammaanqarnerat) inatsisip atuutsinneqalernissaanut Inatsisartut aalajangiiffigisassaannut siunnersuut.

(Aningaasaqarnermut Aatsitassanullu Naalakkersuisoq)

Aqqut assigiinngisitaarsinnaalluarpoq nutaanik periarfissanik suliffissanik pilersitsinissami, taamatullu nunatsinnut nutaanik isaatitsiffiusussanik pilersitsinermi.

Tamatta isumaqatigiissutigalu isumatsinniippoq pisuussutaatigut uumaatsut atorluassagigut, tassuunakkut aamma inooriaaserput atuuttoq kivissimaarlugulu pigiinnarumallugu siunissami.

Nunatta atorfissaqartippai suli amerlanerit ileqqaaruteqarusussusillit, taamatullu nunatta pisuussutaannut soqutiginnillutik aatsitassarsiorusussusillit suli amerlanerit.

Qallunaat nunaat ullumikkumut paasissutaaterpassuarnik nunatta tunngaviusumik paasissutissaataanik inerisaanikuuvoq, aamma suli tamanna ilisimasaqassuseq Qallunaat Nunaata inerisartuarpaa.

Tamanna ilisimasaqassuseq aatsitassarsiornermi pingaaruteqarluartuuvoq, aatsitassarsiorsinnaanerummi pisariaqartituvai nunatta tunngaviusumik paasissutissaatai katersaatigineqartut, tassuunakkut nalilersinnaajumallugu nunap pisuussutaataasa piaarneqarsinnaaneri.

Ullumikkut taamatut nunatta tunngaviusumik paasissutissaataanik ilisimasanik pissarsiniarsinnaanermi periuseq imaamat pisortatigoortumik qinnuteqaateqarfigeqqaarlugit, tamannalu arlalippassuartigut suliffeqarfippaalussuarnut pisarissersuutaasarmat.

Naalakkersuisut siunnersuutaat imaqarpoq taamatut ilisimasanik pissarsiniarsinnaanermi oqilisaataasussanik, taamaasilluni kikkunut tamanut pisortatigoortumik qinnuteqaateqqaanngikkaluarluni paasissutissanik periarfissanillu takussutissiisunik Kalaallit Nunaanni.



ATASSUT INATSIARTUNI

Atassut suinnersuummut isumaqataavoq, tunngavilersuutigalugu nunanut pineqartunut ammasuusumik aaqqissuussinikunut iluaqusiimmat, taamatut nunat tunngavisumik paasissutissaataasa pissarsiarineqarsinnaanerannut, sunniutigalugulu annertunerumik aatsitassanik atorluaanissamut ineriartortitsineq.

Atassut taamaasilluni taaseqataassaaq oqaluuserineqartup matuma aappassaaneernejarnissaanut ingerlatseqqinnissamut.